

金石萃編

金石萃編卷一百四十六

賜進士出身 誥授光祿大夫刑部右侍郎加七級王昶撰

宋二十四

淨安寺鐘款

鐘刻字凡四面行字皆  
不尋正書在朝邑縣

維大宋崇寧四年歲次乙酉十月二十五日口鑄同州

朝邑縣魯苑鄉淨安禪院鐵鐘願所集勝利上新

皇帝萬歲口臣千秋文武百寮常居祿位法界衆生同

成佛果

住持院主僧惠

以下助緣施主  
諸人姓名不錄

此鍾是解州匠人杜臻男鑄造

寺故址在渭水濱元至正元年沒于渭明改建于王  
林村炊云同州朝邑縣魯苑鄉金史有鎮名四而無  
魯苑之名亦可以補地志之缺

關中金  
石記

成德軍五臺山唱和詩

碑連額高五尺九寸廣三尺四寸五分二截書  
每截二十一行行十字連額並正書在耀州

吳啓叅陪使騎抵謁真祠偶成小詩拜呈知府屯田  
伏冀 采覽

朝散郎通判軍州事于巽

千騎驂驛出禁城真祠款謁盤虔誠袴襦載路歌仁政

簫鼓宣天樂太平殘雪未消山下路和風先颺馬前旌  
是日天氣晴暖幾有春意爲民祈禱多靈應來歲豐稔定有成

朝散郎知軍州事王允中和

縹緲仙臺俯郡城躬修祠事表精誠天邊霧卷山峯出  
澗下風輕水面平不爲尋春馳五馬聊因勸課駐雙旌  
六典刺史掌勸課風流別乘多才調彩筆先揮秀句成

宣德郎兗州學教授尙佐均

踏霜投曉賽祠廷豪竹繁絃妙吐誠嘉客滿筵青眼看  
遠山數點白雲平淡霞漏日迎前騎輕吹含煙獵後旌  
好處畫工傳不盡只憑詩筆爲摹成

右侍禁監倉王需

真人廟食占茲城欲乞豐年在至誠五馬貳車恭款謁  
豐香烈火報登平犬鷄仙去避丹竈鸞鶴飛來認翠旌  
既就金方留世了終聞玉帝錄功成

儒林郎知華原縣事張魴

仙翁謫隱寄巖扃十里蒙休合薦誠菽粟有餘民暇逸  
雨暘無爽氣和平滿室綏綏陳膳豆肴艾紛紛逐旆旌  
靈迹欲知垂不朽使君妙製刻初成

太守近作  
靜應廟記

通仕郎錄事恭軍張介夫

瞳瞳曉日照重城車騎翩翩布德誠綽約仙姿隨世遠

依倚樓觀與雲平  
神靈響答歆香火  
民庶歡呼擁旆旌  
瑞雪呈祥和氣洽  
行看闔境報嘉成

將仕郎富平縣主簿高鈞

二公祠事出重城  
宜有休祥答至誠  
林壑靜深經雪後  
樓臺高下與雲平  
豐年簫鼓來仙宅  
晴日煙霞上使旌  
黎庶歡聲自儲樂  
但聞高廩頌周成

將仕郎華原縣主簿何賁

清晨雪霽出東城  
躬款靈祠致克誠  
百品果蔬供薦獻  
萬人簫鼓賀昇平  
暉暉曉日明臺殿  
獵獵霜風滿旆旌  
碧瓦脩廊盡宏麗  
亦從民欲落新成

將仕郎華原縣尉李倚立石

崇寧四年十二月二十三日建

劉源刊字

前有吳上允中啓云拜呈知府屯田攷宋制諸府州縣皆以京朝幕等官攝之故有以某官知某府事知某州事知某縣事之稱或不帶京朝幕官等銜亦云某府知府某州知州某縣知縣至明則竟改稱知府知州知縣近人作碑刻有用宋時舊例云知某府事等稱者亦始於明世有意好古者耳

關中金石記

張大亨米芾等題名

石高廣均二尺一寸三行行三字二字不等行書在盱眙縣

張大亨米芾丙戌歲

按丙戌爲崇寧五年米芾以崇寧三年知無爲四年知淮陽大觀元年卒於官此正知淮陽時也

長興萬壽寺閣圖并記

碑高二尺二寸八分廣一尺七寸分兩截上截繪圖下截記二十七行行十四字正書在大荔縣

華州尔朱權記

馮翊楊時中書

左輔之西北隅有寺曰長興萬壽禪院古木森蔭殿宇宏壯爲一方之雄觀寺有高閣絕頂虛曠之所塑文殊菩薩聖像因名爲文殊閣聳立三層不啻百餘尺徘徊



周匝止於二十極刻楠彫畫翬飛鳥翼屹若地出晃若  
天降可謂殊勝實淳化五年別駕楊公所建也觀其經  
營締構足以想見其爲人亦以知古之豪右歸依吾三  
寶爲切至也迄今百有餘歲巨屋已老爲風雨所壞畫  
像益故爲塵埃所棲飄鼠穿其垣墉燕雀巢于椽棟寒  
木煙蕪但相掩映於其側弊壞墮圯至此爲極宗明受  
業茲院承師資之後猥居於此積有歲年載顧載瞻每  
爲深悼將欲增修潤色前人之遺基揣其謏薄不克自  
辦必仗信心有力之衆共成大事以作勝回涅槃經云  
施一訶梨勒授辟支佛除病惱於九十一劫造像經云

造一小塔威輪王果於三十大返之中夫一詞梨勒之  
細一小塔之微所得之果猶且若是今者有力檀那能  
共成此閭則威果之大信不誣矣

大觀元年七月十五日 左馮相雲智刊字

大觀聖作碑四種

碑連額高一丈一尺二寸五分廣四尺二寸  
八行行六十八字正書額行書在興平縣

大觀聖作之碑

通直郎書學博士臣李時雍奉 勅摹寫

太師尚書左僕射兼門下侍郎上柱國魏國公食邑  
一万一千二百戶食實封叁仟捌伯戶臣蔡京奉

勅題額

學以善風俗明人倫而人材所自出也今有教養之法而未有善俗明倫之制殆未足以兼明天下孔子曰其爲人也孝悌而好犯上者鮮矣不好犯上而好作亂者未之有也蓋設學校置師儒所以敦孝悌孝悌興則人倫明人倫明則風俗厚而人材成刑罰措朕考成周之隆教萬民而賓興以六德六行否則威之以不孝不悌之刑比已立法保任孝悌嫺睦任恤忠和之士去古綿邇上非里選習尙科舉不孝不悌有時而容故任官臨政趁利犯義詆訕貪污無不爲者此官非其人士不素

養故也近因餘暇稽周官之書制爲法度頒之校學明倫善俗庶幾於古

諸士有善父母爲孝善兄弟爲悌善內親爲睦善外親爲姻信於朋友爲任仁於州里爲恤知君臣之義爲忠達義利之分爲和

諸士有孝悌睦姻任恤忠和八行見於事狀著於鄉里者鄰保伍以行實申縣縣令佐審察延入縣學考驗不虛保明申州如令

諸八行孝悌忠和爲上睦姻爲中任恤爲下士有全倚八行保明如令不以時隨奏貢入太學免試爲太

學上舍司成以下引問考驗較定不誣申尙書省取  
旨釋褐命官優加拔用

諸士有全脩上四行或不全一行而兼中等二行爲  
州學上舍上等之選不全上二行而兼中等一行或  
不全上三行而兼中二行者爲上舍中等之選不全  
上三行而兼中一行或兼下行者爲上舍下等之選  
全有中二行或有中等一行而兼下一行者爲內舍  
之選餘爲外舍之選

諸士以八行中三舍之選者上舍貢入內舍在州學  
半年不犯弟二等罰升爲上舍外舍一年不犯弟三

等罰升爲內舍仍准上法

諸士以八行中上舍之選而被貢入太學者上等在學半年不犯第三等罰司成以下考驗行實聞奏依太學貢士釋褐法中等依太學中等法待殿試下等依太學下等法

諸士以八行中選在州縣若太學皆免試補爲諸生之首選充職事及諸齋長論

諸以八行考士爲上舍上等其家依官戶法中下等免戶下支移折變借借身丁內舍免支移身丁

諸謀反謀叛謀大逆

子孫同

及大不恭詆訕宗廟指斥

乘輿爲不忠之刑惡逆詛罵告言祖父母父母別籍  
異財供養有闕居喪作樂自娶釋服匿哀爲不孝之  
刑不恭其兄不友其弟姊妹叔嫂相犯罪杖爲不悌  
之刑殺人略人放火強姦強盜若竊盜杖及不道爲  
不和之刑謀殺及賣略總麻以上親毆告大功以上  
尊長小功尊屬若內亂爲不睦之刑詛罵告言外祖  
父母與外姻有服親同母異父親若妻之尊屬相犯  
至徒違律爲婚停妻娶妻若無罪出妻爲不嫺之刑  
毆受業師犯同學友至徒應相隱而輒告言爲不任  
之刑詐欺取財罪杖告屬耆鄰保伍有所規求避免

或告事不干已爲不恤之刑

諸犯八刑縣令佐州知通以其事目書於籍報學廳  
有入學按籍檢會施行

諸士有犯不忠不孝不悌不和終身不齒不得入學  
不睦十年不黜八年不任五年不恤三年能改過自  
新不犯罪而有二行之實者鄰保伍申縣縣令佐審  
察聽入學在學一年又不犯第三等罰聽齒於諸生  
之列

大觀元年九月十八日資政殿學士兼 侍讀臣鄭  
居中奏乞以



御筆八行詔旨摹刻于石立之宮學次及太學辟廋  
天下郡邑二年八月二十九日奉

御筆賜臣禮部尙書兼侍講久中令以所賜刻石  
承議郎尙書禮部員外郎武騎尉臣萬勝仲  
朝散郎尙書禮部員外郎雲騎尉臣韋壽隆

承議郎試尙書禮部侍郎學制局同編修官武騎  
尉隴西縣開國男食邑三百戶賜紫金魚袋臣李國  
南

朝請郎試禮部尙書兼侍講實錄修撰飛騎尉南  
陽縣開國男食邑三百戶賜紫金魚袋臣鄭久中

承山郎權縣尉臣李任

廸功郎權主簿管句學事臣盧端仁

通直郎知京兆府興平縣事管句學事勸農公事兼  
兵馬都監臣陳亦

此刻脩賀若誼碑之陰京以大觀元年五月爲尙書  
左僕射兼門下侍郎二年正月進太師碑題太師尙

書左僕射與史傳合

關中金  
石記

又碑連額高八尺八寸五分廣三尺五寸五分  
二十七行行六十字連額並正書在淳化縣

耀州淳化縣御製學校八行八刑之碑

將仕郎耀州華原縣主簿管句學事權淳化縣簿尉

臣鄭仲先書丹

文見前不錄

大宋大觀二年四月十五日

從仕郎知耀州淳化縣事管勾學事兼管勾勸農公  
事臣劉玄立石

又碑連額高八尺二寸廣三尺四寸五分三  
十行行五十九字正書篆額在高陵縣

御製學校八行八刑條

教諭臣胡口口篆額

承務郎監商州口稅權知京兆府高陵縣口學事兼  
管勾勸農事臣張口書并立石

文見前不錄

奉

勅如右牒到奉行前批三月二十日午時付禮部施行  
仍關合屬去處

大觀二年五月十五日奉

御筆建

學長臣李希伋 權學諭臣史口 直學臣吳若虛

將仕郎京兆府高陵縣尉管句學事臣李凱

三班奉職監京兆府高陵縣口口權主簿臣張憲

臣李壽永臣李壽明刊

又碑連額高七尺八寸廣四尺一寸三十四  
字連額並正書在臨潼縣

御製學校八行八刑條

學長臣王電書

文見前不錄

大觀二年十月二十五日奉

御筆建

登仕郎京兆府臨潼縣尉管句學事臣徐口

將仕郎口京兆府臨潼縣主簿管句學事臣李良佐  
登仕郎京兆府臨潼縣丞管句學事臣王敦化

朝散郎知京兆府臨潼縣管句學事兼兵馬都監雲

驍尉臣王與 立石

口仕郎充永興軍等路提舉口口口管句口口臣黃  
哲

朝請郎口提舉永興軍等路學事雲騎尉賜緋魚袋  
臣李降

是碑當時想天下俱應有之今唯存鄭州本耳予得  
見于范侍郎天一閣八行之選宋史取士一法也當  
取之以証選舉志

結靖  
亭集

億按宋史徽宗紀大觀元年三月甲辰立八行取士  
科今碑所錄八行及三舍之制並較史爲詳又碑蔡

京題額自列銜云太師尚書左僕射兼門下侍郎上  
柱國魏國公按蔡京本傳大觀三年臺諫交論其惡  
遂致仕猶提舉修哲宗實錄改封楚國公以史攷之  
既云改封則前此已有封矣今碑列京題銜所云魏  
國公是當大觀二年京早受封爵及于三年提舉修  
哲宗實錄改封楚國公於文乃爲有據史疏不及此  
蓋失錄也

銀師金  
石錄

按大觀聖作碑聖作猶言御製也歷城縣志金石  
考云大觀碑山左學宮往往有之蓋通天下皆立  
者蔡京題額曰大觀聖作之碑以御製爲聖作猶

以公主爲帝姬也其以此碑文頒之郡縣加以尙書省牒而別題額曰御製八行八刑條制其實與聖作碑同也按宋史選舉志大觀元年三月甲辰詔立八行取士科

詔詞大意與碑同

然品目旣立有司必

求其迹以應令遂有牽合瑣細者自元祐初經明行修科主德行而畧辭藝間取禮部試黜之士附寘恩科當時固已咎其無所甄別及八行科立則三舍皆不試而補往往設爲形迹求與名格相應於是兩科相望幾數十年邇無一人卓然能自著見者而八行又有甚敝蓋後世欲追古制而不知



風俗教化之所從出其難固如此据史文知八行  
入刑在當時固亦行之久矣碑云頒之校學史志  
則云頒之學授校學似學校創文學授或又學校  
之誤也末云鄭居中奏乞以御筆八行詔旨摹刻  
于石立之宮學次及太學辟雍天下郡邑考宋制  
學校但有國子學太學其辟雍一名外學乃崇寧  
元年所建以處天下貢士別無宮學之文据文獻  
通考載外學既成增博士十員正錄五員充學諭  
者十人直學二人俟貢士至爲之置諸王宮大小  
學教授立考選法据此則當時自有諸王宮大小

學而制未詳也玩碑文先立於官學次及太學辟  
廡又次及天下郡邑則官學在太學之上矣此碑  
今存者山左較多河南次之昶所得者僅陝西四  
種而已

孫鼐草堂寺詩刻

石橫廣二尺七寸八分高二尺五寸九行行九字又  
張智周題記一行行十七十八字左行並正書在鄆縣  
雙樹輪囷五百年開華結實兩爭妍我來問道師知否  
祖意元無法可傳

大觀己丑九月廿九日孫鼐扌才甫遊因至紫閣留  
宿此寺

將仕郎權京兆府鄠縣尉管句學事權主簿縣丞蓋戴  
宣德郎知京兆府鄠縣事管句學事勸農公事兼兵  
馬監押吳叔口

歷山張智周政和元年十一月廿七日獨游時以察  
視民兵職事徧行諸邑猶恨不從容也

### 脩三白石渠記

石高四尺五寸廣二尺二寸八  
行行十四字正書在涇陽縣

大觀二年秋被

朝旨開修三白石渠工徒數千人渠河部役官朝奉大  
夫蔡溥而下十有五人祇領其事至四年九月十三日

休工告成引涇水深五赤入渠通行七縣灌漑民田云  
朝請大夫新權成都府路轉運判官權提舉永興軍等  
路常平等事趙倫謹題

李壽永刊

按宋史河渠志三白渠在京兆涇陽縣至道元年  
正月度支判官梁鼎陳堯叟上鄭白渠利害詔皇  
甫選何亮乘傳經度選等使還言周覽三白渠溉  
涇陽櫟陽高陵雲陽三原富平六縣田三千八百  
五十餘頃此渠衣食之源也望令增築堤堰以固  
護之景德三年鹽鐵副使林特度支副使馬景盛  
陳闕中河渠之利請興修鄭白渠古制乃詔太常

博士尙賓乘傳經度率丁夫治之賓言鄭渠久廢不可復今自白渠洪口合舊渠以畎涇河灌富平櫟陽高陵等縣工畢而水利饒足民獲數倍史志所載止此不及大觀二年修渠之事不可攷矣史稱溉六縣田此記稱通行七縣不知更溉何縣也三白渠在宋時有灌溉之利今歲久淤廢故王莽子先生大岳官陝西觀察時著涇水考二卷謂涇水古以資灌田積日既久其泥重濁易於淤塞不獨民田化爲斥鹵卽近山之泉來者反破其累故自宋元以來必障涇水而遠之惟恐其闢入仍渾

盡畱近山泉水分疏灌溉益地勢不同如此凡言  
水利者不可泥古而不知今也

### 李挺過臨潼詩

石橫廣三尺二寸八分高一尺七寸二十五行行十  
五字又向子千題記三行行七字並行書在臨潼縣  
潁川李挺

予嘉祐中嘗迎先妣來主臨口口元祐丁卯口月赴守遂  
寧復過是邑凡山林宮寺之勝皆當日奉板輿盍朋簪  
歲時游息之處到今二十八年矣因成短詩以叙感慨  
淒涼感舊與懷親時事居人觸目新獨有溫泉故情在  
猶能爲我洗紅塵

擊家登朝元閣晚由東山北下自石窺過朝元山路  
并斯飛亭皆當日親爲開置今復經涉因留拙句

一別驪山歲已深林花依舊繡蒼岑歸尋當日新開路

隱約苔痕下翠陰

翠陰亭乃開元時勝集今路在亭基之上

### 題靈泉觀

山原繚繞水縈經繡嶺屏風立座隅更上朝元最高處  
饒君都看渭川圖

先君昔守遂寧過臨潼熙民侍行後二十有四年熙民  
行部至此感愴之餘尋先君當日所畱詩板已不復見  
矣乃追憶舊題刻石置溫泉行館之壁大觀四年十二

月十六日永興軍等路提點刑獄公事李熙民謹記  
向子干自丙申歲皆以職事過此宣和辛丑孟夏十七日  
按李樾題云子嘉祐中來主臨潼元祐丁卯赴守  
遂寧復過是邑到今二十八年自元祐丁卯逆推  
二十八年之前知其主臨潼在嘉祐五年也至大  
觀四年其子熙民提點永興刑獄逆推其前元祐  
丁卯歲侍其先君守遂寧過臨潼恰二十四年詩  
題有朝元閣靈泉觀冊府元龜天寶七載十二月  
戊戌聖神元元皇帝降見於華清宮之朝元閣乃  
改爲降聖閣改會昌山爲昭應山封山神爲元德



公仍立祠宇以時祭享又都穆遊驪山記云山之  
之半平坡朝元閣舊建於此又上二里爲老君殿  
舊云老君見於朝元閣南元宗於其處立降聖觀  
琢白玉石爲像今尙存殿壁繪唐從臣之像殆當  
時人手筆雍勝畧云靈泉觀本華清宮祿山亂後  
天子罕復遊唐末遂皆圯晉天福中改爲觀賜道  
士居之李挺李熙民史俱無傳

河濱靈源王廟碑

碑連額高一丈二寸五分廣四尺七寸三分  
二十八行行六十三字正書篆額在韓城縣

勅修同州韓城縣河濱靈源王廟碑

宣德郎知京兆府高陵縣事管句學事管句勸農公  
事兼兵馬監押臣陳振撰

宣德郎充提轄措置陝西川路坑冶鑄錢司催促般  
運鑄錢物料句當臣王慈書并繁額

皇帝臨御十有三年典章文物炳然一新正郊丘以辨  
兩儀廣宗廟以嚴九室興明堂以脩配

口之典祠太一以荅靈貺之符

明德卹祀咸秩

無文貯蠶駁苑囿不祇懷神祇

祖考既已安樂

之矣而復以

聲制律而樂和以

身立度

而禮節琢玉以成寶而文采彰鑄金以象物而

基本固前世之所廢而不講後人之所忽而不問發明  
誕告悉出  
宸翰  
詔令一下不日而成於  
是卿雲呈祥靈光薦休膏露零滋朱草騰色嘉禾之秀  
羽物之翔凡曠古之所未嘗記者連章累牘奏之

闕下頌聲洋溢周於四遐獫狁來王氏羌入貢黔中  
嶺表龍水播川遺酋群醜解辮屈膝而願爲臣妾者蓋  
不可以數計古之所謂天不愛其道地不愛其寶人不  
愛其財者具見於茲故一事之舉一物之來類皆付之  
史官刊之琬琰銘之鼎彝紀之以編簡載之以竹帛自  
堯舜三代典謨訓誥之書未有若  
此時之盛者

也惟此洪河自

大觀以來變濁爲清者略有三

焉乾寧保平率以累日惟二年冬見於同州之韓城邨  
陽其表百里其久彌月

詔遣尙書郎臣張勣持

祝往祭既抵其野訪故祠得破屋一區風凌雨剥頽圯  
殆甚懼不足以尊顯

靈德上副

一人誠

報之意誠已事而還請新廟貌

詔可其奏既

賜幣券以經其用又出大農之錢以助其不足鳩  
工飭材一不在民庀事於政和元年秋八月之壬寅落  
成於二年春正月之甲子凡爲屋之楹三十有四堂崇  
以延門嚴以閑有廡如掖有屏如植邊豆之設有位侍

術之列有所輪奐丹雘儼無不肅乃

賜靈源爲

號因

命擇詞臣而記其事部使者復以屬臣振

臣振不敢以荒斐辭竊惟淇箴之敷兆於五行五行之  
證原於五事自視聽貌言思之近推而廣之至五福六  
極休咎所報之遠若符契然豈人力也哉夫堯以水土  
未平吁謨而命禹禹以百姓未安瘞其身而告功九年  
而泮水平土作乂考其績用固非人力而所爲者可不  
歸之天乎使百姓戴天而居履地而行力農而食日用  
而不知可不謂之神乎濶溪演澌之卑朝盈而暮竭有  
欲澄之者猶不能清况崐崙萬里之勢數千年之久敢

目期於身嘗而目見之乎非有作之

聖人其孰

能與於此今

皇帝道德之妙蟠極上下

精誠之微昭格幽顯凡所以

施設注措一出於

獨智百辟卿士曾不足以探識其

與而

四方萬里鼓舞震動化貸成就亦罔知

帝力之

所加豈天之神與禹之智舉在

是歟福物之報

固有由爾顧一河之清惡足以盡之而惓惓不忘者亦

以昭

景命領純嘏奉

上帝之錫美而已

竊嘗以傳記考之河千歲一清其應在

人君壽

考天下治安今接歲三清應益昭著自非

膺聖

撫運

溥博淵泉

通乎高深何以及此是

宜有以鋪張

闋休揚厲

偉蹟而

詔乎無窮也如臣龜鱉之陋顧安能識

咸英之

太和而調達之姑以區區之見述其萬一而預榮焉臣  
薰拜手稽首而爲之頌曰

皇帝臨御十有三年禮制樂作典章粲然道德之妙格  
于皇天景星慶雲膏露醴泉諸福之物克臻其全大觀  
之初濁河三清乾寧保平郃陽韓城有泓其澄有光其  
榮詔遣臣勸報祭惟精乃新其宮靈源是名郡縣奔走  
累月而成神歆其類既安且寧皇帝有道山川受職珍

符來貺惟神之錫皇帝有道受福無疆神之聽之德音  
不忘簿領臣振預榮釐事作爲聲詩垂千萬禩

降授奉議郎權發遣陝府西路計度轉運判官公事  
借緋魚袋臣郭倫

降授朝議大夫直龍圖閣權發遣陝府西路計度轉  
運副使公事兼勸農使賜紫金魚袋臣趙口

降授朝散郎直龍圖閣權發遣陝府西路計度轉運  
使公事兼勸農使賜紫金魚袋臣陳邁

臣李壽永臣李壽昌刊字

文稱河自大觀以來變濁爲清者三乾寧保平率以



累日惟二年冬見於同州之韓城郃陽其袤百里其  
久彌月攷徽宗本紀自大觀至政和凡三書河清並  
在同州惟大觀三年兼有陝州保平軍卽陝州也又  
于二年云以乾寧軍爲清州改乾寧爲清應卽以河  
清之故而史不及之疑是略矣河自三代以來皆有  
崇祀故公羊傳以太山河海爲三望望者謂不能親  
詣所在就其近郊祭之之義也其置祠實自秦始皇  
記封禪書云河祠臨晉漢志云臨晉故大荔秦襄之  
更名有河水祠今同州府朝邑縣是其地蓋昭王作  
河橋於此卽因而祭之耳郊祀志高祖置祠祀官女

巫令河巫祠河於臨晉又宣帝詔五嶽四瀆皆有禮河於臨晉使者持節侍祠歲五祠太平寰宇記西魏文帝大統十三年于漢祠更加營造周武帝天和四年太宰宇文護于祠西建碑一所靈帝大象元年江淮濟各從本所祠惟河一祠依舊不改每歲發使致璧加牲以祠焉文獻通考唐武德貞觀四瀆年別一祭祭西瀆大河于同州歷代相傳並因而不改至明皇開元十五年始以有司言改祠於河中府在今山西之榮河縣而同州之祠廢矣攷唐自明皇以後嶽瀆之制互有輕重然猶封河神爲靈源公眞宗封

禪進號爲顯聖靈源公仁宗康定封爲靈源王金章  
宗明昌爲顯聖靈源王元太祖至元爲靈源宏濟王  
順帝至元爲靈源神佑宏濟王明則革去前號改稱  
西瀆大河之神亦並存河中府之舊此唐以前宋以  
後祠祀異地之大較也攷唐王延昌撰廟碑云安祿  
山反其將崔乾祐守蒲坂時郭子儀軍渭汭與之相  
持子儀夢神告曰永豐倉側將有急變姑以避之此  
軍退賊騎雲集子儀賴以獲全後請于朝而修祠此  
猶是同州之舊其建于韓城者乃當時別祠如宋時  
檀州河南亦得置河廟者是也文所云詔遣尙書郎

張勛致祭既抵其野訪故祠得破屋一區傾圯治甚  
還請修建詔可之此宋世修建之事念陝省爲全河  
之襟帶而祀典闕如今雖不能復睥睨之故而韓城  
舊址不應委棄榛蕪過而弗問此守土之責也余將  
請於

朝鼎新廟貌修復祀典以妥神庥而慶安瀾焉

關中金  
石記

右韓城縣河濱靈源王廟碑宋史禮志祀河濱於河  
中府今蒲州之水濟縣也大觀初韓城河水清詔遣  
尙書郎張勛往祭卽舊廟而修之廟在今韓城縣之  
東王卽非河濱之常祀也碑稱泚河自大觀以來變

濁爲清者略有二焉乾寧保平率以累日維二年冬  
見於同州之韓城邵陽其表百里其久彌月今考五  
行志祇載乾寧軍及同州二事不及保平蓋大觀政  
和之間郡國言瑞者多志不能盡書然未久遂有五  
國城之禍粉飾太平何益於國是哉碑末列名者直  
龍圖閣陝府西路轉運使陳遵直龍圖閣轉運副使  
趙口轉運判官郭倫凡三人陳降授朝散郎趙降授  
朝議大夫郭降授奉議郎皆列於銜此它碑所未有  
宋史遵傳但云爲何北轉運使加直龍圖閣徙陝西  
不知其降官之由也

晉研堂金石文獻尾

崇恩園陵采石記

碑連額高五尺六寸五分廣三尺一寸十六  
行行二十五字行書篆額在偃師縣永慶寺

崇恩園陵采石碑

崇恩□□寢疾崩于宮政和三年三月丙申朝散郎權  
族遣京畿計度轉運副使公事趙霆入內內侍省武功  
大夫計置賈□山採石兼提舉鄭州密務張懷寶奉

詔旨提舉

園陵採石太史□□□□吉祭山興役

于緱氏鎮碾子泉之東西谷段石□工視大觀二年地  
宮數□會日力之役九旬以時 朝廷促工期以□□  
□□□氏逾旬稍□霖雨零霰迭日間作官吏惴慄惟

稽遲之□□而巨石艱致之材越七日而數以登又十  
有五日而夫役告畢蓋官屬奮職夙夜暴露協力盡瘁  
用濟厥事也官屬爲誰管勾文□兼理辦公事朝散郎  
□誼都□寨中亮郎任緯通直郎韓瑜□□各經郎孫  
傑武翼郎賈之才□各郎蘭中立修□郎李從古秉義  
郎趙士□宋良□成忠郎周延慶許紳承節郎張延慶  
張世昌周儀從事郎宋翬李選將仕郎李處仁張遠王  
充李周福進□按尉張慙進義按尉王思永假承務郎  
陳充管勾鐵爐東井匠人□郎傅□管勾公使進義副  
尉張守忠李春癸酉趙□記并書

胡奉郎京西轉運□□□□□□□□長吉立石

霍亮彭舉馬良刻字

億按碑殘脫尋讀多不可識唯前數行有入內內侍省武功大夫計置下缺鄭州張懷寶奉召缺國陵採石後忽又有題銜云云攷記內諸官並與史志同唯管勾鐵爐東井匠人則當事權設者也字奇遒秀絕惜太漫滅耳石記

范子嚴墓誌

石高三尺五寸五分廣二尺三寸五分三十行行三十字正書在寶雞縣

宋故范君子嚴墓誌銘



奉議郎致仕正騎尉張今撰

朝散郎權知巴州軍州管勾學事雲騎尉借紫權維  
書

奉議郎簽書興州軍事判官廳公事管勾學事王沃  
篆

子嚴先塋在邑之澤川鄉尉遲社塋閉之木往往合抱  
詢其族人之高年者皆云葬逾百年矣雖無誌可考知  
其久爲陳倉人也曾祖照祖懿皆務農不仕考元吉有  
度量善謀畫由剛取積貲至鉅萬遂徙居邑中而富籍  
爲第一卒葬於大像原有子三人而君居季孟之

聞考極喜僞意將擇子之長者教之然其孟旣以門餘  
隸府役季且勿獨屬意於君不幸考早世遂嘿嘿

不得志一旦潛率友人朱景者如京師南抵滁濠間求  
師友而學焉逮歸季孟已有析煙之議君獨得畸

零之業醫去七八復買地於西平原凡五六年始稍有  
序然中心常以未副先君之志爲恨因置其生事又率  
其友張今者復如太學凡數年四方賢俊多願交焉然  
數千舉不利有勸以習明經比進士爲可必者君深然  
之乃出居尉遲之故廬絕人事閉門誦戴禮荅義凡二  
年注疏首尾爛然在臆人皆謂君舉是科取青紫

猶掇之也會

朝廷改科場罷明經君嘆曰是亦有

命焉乃不復爲干舉之學而專闢史傳歷攷古人行事  
時與鄉中有道者爲詩酒之樂益多藏書招賢士以教  
諸子爲急然性介潔上不願接勢位下不喜延白丁唯  
吾儒叩門一言道合則傾蓋如故以至推財拯乏靡所  
不逮其所交遊多魁磊宏博之士未嘗俛首以投俗人  
之耳目元祐元年閏二月十七日以疾卒享年四十八  
元娶馬氏卽邑人進士馬叔之女次朱氏鄉貢進士景  
之妹五男四女皆朱氏所出曰汝翼成忠郎前任興州  
管界建寧馬遞鋪次汝弼秉義郎前任巴州管界建檢

次汝聽將仕郎次汝揖汝礪皆讀書後君而亡女長適  
邑人馬筠次適進士薛弁次幼而亡次適進士張抃孫  
男十人倪份何伋倫脩伸倬傳倚孫女六人長適吳山  
進士楊大年餘並幼

君之亡汝翼年十八幹蠱事

親教諸弟爽爽有立乃遵遺訓於政和三年六月十二  
日卜兆於鳳翔府寶雞縣寶雞鄉大像里先塋之西朱  
氏祔葬焉前期求誌于予予素與

君善又予之次

子娶

君之幼女作誌與銘固所願也子嚴字也諱

莊姓范氏銘曰

今學不効兮古學是循 古學有得兮所親者仁 宜

壽不壽兮天所屯 福慶流行兮鍾後人

按誌稱子嚴久爲陳倉人陳倉卽寶雞縣隋以前  
爲陳倉唐以後爲寶雞又稱其買地西平原陝西  
通志西平原在寶雞縣東北十五里卽吳玠與金  
將撒離喝相持處原之高峻處又名大蟲嶺其原  
延亘東接鳳翔界誌又云朝廷改科場罷明經此  
卽神宗時王安石議更法謂古之取士俱本于學  
請興學校以復古其明經諸科欲行廢罷取明經  
人數增進士額語詳宋史選舉志子嚴曾祖祖父  
皆務農而積貲至鉅萬誌不加粉飾之詞見其質

也兄弟析居謂之析煙初娶馬氏繼娶朱氏而稱馬氏爲元娶卽後世元配之所昉皆勑見此文

浮邱公廟靈泉記

碑連額高四尺四寸廣三尺二十四  
行行三十一字正書篆額在偃師縣

浮丘公廟靈泉記

文林郎行永安縣尉管句學事張挺撰

崧高之下曰緄氏山昔周靈王子子晉吹笙之地也子晉授道於浮丘公公接□偃去距山不遠遺冢具存民俗傳爲浮丘藏劍之所卽其巔構祠以祀焉俯瞰□□更爲別廟里民歲時祈報逕至政和二年夏六月泉出

庭下澄澈□□□□飴映帶清流人初易之俄鷗鳬  
泳者輒死衆迺驚悟始識景貺病者請禱□□□愈於  
是相與謀戮以文塲疏□方□藻飾丹雘祈嚮雲來洪  
惟永安授□□ 宋 聖祖 神宗弓  
□所闕而崧高之岳作鎮中土□邑之□眞僊所宅靈  
顯□出□□□□惠施於民稽攷傳記寔

□之祥比年而來

朝廷清明百度修舉總名覈

實禮制樂成河海宴清□禾並秀泉石□□□□功  
珍符嘉瑞史不絕書蓋以 皇天眷佑 上

德昭明格致休美以懋大業願不偉歟則儒學之士競

爲詞章掄揚□□□盛事傳諸聲詩以薦郊

廟實維特也今靈泉出於福地神異焯然莫之殫載挺

雖不才□乏□□□詠聖德矧臣子之職敢以

斐陋而辭謹著大畧以告來者其辭曰

崧口之陽複岫重岡山維緹氏作鎮其旁蒸

爲卿雲□成景光僊聖之宅其神無方在昔

帝子系自周王浮丘挹袖絳闕扶將夜月欽

笙乘雲帝鄉鶴馭莫返鳳唵松篁遺宮廟食

寶劍珍藏後千餘年醴流其唐蠲疴療疾

起痼愈疴惟神之惠表國之祥帝德廣運修



明馨香 地不受寶 天錫會昌 年穀順成 降福  
穰穰 本支百世 聖壽無疆 如山之崇 如泉之  
長 小臣作詩 德音不忘

政和四年五月二十五日張當世書董顗立石

劉士口刊

此泉今在偃師縣南三十五里既而久涸乾隆初復  
出也

中州金石記

金石攷碑在緱山政和二年夏六月有泉出浮邱廟  
庭下能愈疾永安令張挺記之

偃師縣志

按偃師縣志靈泉在縣南三十五里源出府店鎮

東靈泉游宋時始出醴甘如飴其後久涸乾隆初  
復出經浮邱公廟前與梨樹溝水會爲五龍口西  
迤邐府店鎮北屈而西北至江邨寨北滑城泉自  
東來注之浮邱公廟祀浮邱伯列仙傳姓李居嵩  
山修道亦修道於緱山山有浮邱洞嘗作原道歌  
虎伏龍亦藏龍藏先伏虎但畢河車功不用隄防  
拒諸子學飛仙在迷不得住左右得君臣四物相  
念護乾坤法象成自有真人顧

牛鼎銘

高廣行字皆  
不計篆書



弁口四足足上爲牛首下爲牛蹄款識甚古或以爲  
商時物客話得自傳聞未嘗目擊宋雖殷後不當稱  
帝且古不以命子名歲日知錄辨商母乙丑丙寅之  
文博古國誤以日爲年確當可信今文廟之鼎重只  
五十斤高一尺三寸五分濶尺有六寸耳旁出高三  
寸腹至足七寸凡三足以爲重五百斤及四足者皆  
非鼎內有銘在底係凹字曹君據元初隨隱湯錄宋末  
陳世崇崇仁人云紹興初有獻鼎於行都上賜白金  
入元乃撰此錄三千兩賜三茅觀觀在杭州吳山高一尺三寸廣尺有咫兩  
耳旁出三足皆具牛首鼎外周環紋如篆籀腹內篆

銘曰維命午八月丙寅帝若稽古肇宋鼎審厥象作

牛鼎格于太室從用享億萬寧神休維帝時寶萬世

其永賴凡四十一字乃五代宋孝武帝孝建元年八月二

日肇作以享太室者鼎銘與此銘其文稍有增減如

云肇作宋器增作字易鼎字又億字下無萬字亦共

四十一字又考田叔禾西湖遊覽志說作漢鼎稱漢

建元三年按漢武帝建元三年乃癸卯非命午是蓋

以宋孝武訛漢孝武以孝建元年訛爲建元益謬矣

顧遊覽志謂宋鼎今以焚香殿中叔禾乃嘉靖間人

而三茅觀之鼎猶無恙豈其宏治時便已得自豐潤

卽使篆銘相符亦當別是一鼎且宋自武帝永初元年受禪遷神主於太廟時尙未立明堂閱三十餘年至孝武大明五年明堂始立有司奏鼎俎藝簋一依廟禮班行有司搜材簡工此在孝建之後若明堂未立以前何有太室又况南朝重器豈得遠至北地余考太歲之在命午者北宋實得其三太宗淳化五年仁宗至和元年徽宗政和四年皆值命午宋初季秋大享命有司攝事於郊壇寓祭而已仁宗皇祐二年以大慶殿爲明堂三年宰臣文彥博進大享明堂記亦猶寓祭雖皇祐五年有閏宗朝祭器之事而五年

乃癸巳明年至和元年方值命午元年之八月又無  
丙寅日至神宗元豐時禮官以明堂寓大慶路寢別  
請建立未暇講求沿及徽宗崇寧蔡京爲相始以姚  
舜仁明堂圖議上詔依所定營建尋因彗出蔡京免  
官明堂亦罷故大觀元年大享明堂猶寓大慶殿及  
政和五年特詔建立參稽古制爲四戶八窻五室十  
二堂九階四阿之式又以言者明堂基宜正臨丙方  
近東以據福德之地乃徙秘書省宣德門東以其地  
爲明堂命蔡京爲明堂使其年乃金太祖稱帝之収  
國元年也政和七年明堂成太室乃明堂五室之中

室而宋史禮志云初議禮局之制也詔求天下古器

更制尊爵鼎彝之屬又置禮制局於編類御筆所於

是郊廟禮祀之器多更其舊

劉易傳徽宗所儲三代  
鼎彝詔易討之凡尊爵

祖豆盤匱之屬悉改以從  
古而載所制器於祀儀

則明堂之建雖降詔於政

和五年而鼎或先鑄於政和四年之八月其丙寅之

日則是月之二十三四是則紹興所獻亦是北

宋之鼎而非五代之宋矣史紀靖康之難古器祭器

八寶九鼎無一不與辟雍石鼓同其輦致夫焉保無

流落於民間者乎趙宋政和相隔劉宋孝建六百三

十餘年越一紀而及欽宗靖康自靖康至明孝宗宏



治三百六十餘年到今又二百五十六十年竟無鑑別  
古器者或謂宋仁宗皇祐五年鑄鼎十有二圓丘用  
五宗廟用七劉敞爲之銘疑此爲劉敞作銘而鑄成  
於至和元年者無論紀日不符且原父博學亦不應  
冥古而以命午紀歲也

莊師韓韓  
門學

### 孫漸遊驪山詩

石橫廣三尺二寸五分高二尺五分  
十七行行十二字行書在臨潼縣

中奉大夫權發遣轉運副使公事孫漸

曉促零口征晚留華清宿  
明月倦紛埃  
曉髮蓮湯浴  
夜雨開庭梧漏長  
秋睡足平明徑欲西  
霽色開林麓  
遂作

朝元遊聊放千里目嵯峨北來橫渭水東轉曲坡田散  
牛羊沙岸翔鳬鶩爽氣襲衣裘青煙生井屋憶昔唐天  
子承平溺愛欲翠輦拂行雲鉤陳裏幽谷遺址今尙存  
繚垣半頽覆玉像暗真僊石槽標飲鹿羯鼓寂無聲連  
理空餘木長生豈難求有道書丹錄淚未忘馬嵬恨已  
悲金粟往事寄冥冥芳草依然綠

政和四年十月

日通仕郎臨潼縣令管旬學事

王慎立石

左丞侯蒙行記序

碑僅存下截高一尺八寸廣二尺七寸序十六行行十字正書在寶雞縣

江夏黃鉞篆

左丞 侯公昔作尉于陳倉凡郵警往還嘗憇是院於  
法堂門之東有行記焉自元祐五載逮今政和四年經  
二紀也一旦遇風雲之會爲社稷之臣措天下於泰山  
之安豈不偉哉僧問辨以屋宇踈漏牆壁浸圯恐其墨  
跡湮沒乃模上石庶幾傳之不朽政和四年歲次甲午  
十月旦日張磬謹序

扶風馬定國模 同管勾僧問才 廣濟管勾僧問

□□石

按記云左丞侯公昔作尉於陳倉嘗憇是院有行

記焉自元祐五載逮今政和四年經二紀也侯公  
者卽侯蒙也史傳字元功密州高密人進士及第  
調寶雞尉徽宗朝累官同知樞密院尙書左丞傳  
皆無年月以宋史宰輔表證之其官左丞在大觀  
四年八月以此碑證之其尉寶雞在元祐五年是  
歲庚午下逮政和四年甲午正兩紀也序稱行記  
摸上石今但得其序在下截其記文必在上截已  
不可得不知所憩之院何院也

圓測法師佛舍利塔銘

石橫廣三尺一寸高二尺一寸三寸  
六行行二十四字正書在咸寧縣

大周西明寺故大德圓測法師佛舍利塔銘 并序

貢士宋復撰并書

法師諱文雅字圓測新羅國王之孫也三歲出家十五  
請業初於常辯二法師聽論天聰警越雖數千萬言一  
歷其耳不忘於心正觀中 太宗文皇帝度爲僧

住京元法寺乃覽毗雲成實俱舍婆沙等論暨古今章  
疏無不閑曉名聲藹著 三藏法師樊公自天竺將還  
法師預夢婆娑羅門授菓滿懷其所證應勝因夙會及  
樊公一見契合莫逆卽命付瑜伽成唯識等論兼所  
翻大小乘經論皎若生知後被召爲西明寺大德撰成

唯識論疏十卷解深密經疏十卷仁王經疏三卷金剛  
般若觀所緣論般若心經無量義經等疏羽翼祕典耳  
目時人所以贊佐 英公使佛法東流大興無窮之教  
者也 法師性樂山水往依終南山雲際寺又去寺三  
十餘里間居一所靜志八年西明寺僧徒邀屈還寺講  
成唯識論時有中天竺三藏地婆訶羅至京奉

勅簡召大德五人令與譯密嚴等經 法師卽居其首  
後又召入東都講譯新華嚴經卷軸未終遷化於佛授  
記時實萬歲通天元年七月二十二日也春秋八十有  
四以其月二十五日燔於龍門香山寺北谷便立白塔

在京學徒西明寺主慈善法師大薦福寺大德勝莊法師等當時已患禮奉無依遂於香山葬所分骸一節盛以寶函石槨別葬於終南山豐德寺東嶺上 法師嘗昔往游之地墓上起塔塔基內安舍利四十九粒今其路幾不通矣峭壁巖絕茂林鬱閉險僻藏疾人跡罕到埋光蔽德徒有歲年孰知歸仰由是同州龍興寺仁王院廣越法師勤成至願以 大宋政和五年四月

八日乃就豐德寺供養并諸佛舍利又葬於興教寺

英公塔之左創起新塔規範基公之塔一體無異并基公之塔卽舊而新之金輪寶鐸層構雙聳聳如幻成其

下各環以廣廡神像崇邃左右以附 樊公焉俾至者  
景慕起信不知何時而已也及於塔之前創修獻殿六  
楹落成慶贊之日不暇求能成文者丐余直序其事繫  
之以銘銘曰

貝葉西來方其功大教流中區予斯永賴法匠有憑予  
誠際會香山迢遙予闕幽宮豐德峻阻予藏靈駿後人  
依歸予何適從有越作緣予神助力雙塔屹立予基是  
式以附 樊公予豈窮極終南相高予峻倚天盛德巍  
然予銘石鐫來者瞻仰予千萬年

塔銘貢士宋復撰書亦宋書之楚楚者而名不顯故



無稱猶怪銘首稱大周豈以法師死于武后朝耶因歎武曌淫穢在唐以高宗故不致削奪而后世猶不唾去之何也

石墨  
鐫華

按塔銘在咸寧縣興教寺陝西通志云寺在城南六十里唐總章二年建內有三塔其中塔特高大爲唐三藏法師元奘瘞身之所尙書屯田郎中劉軻銘左爲慈恩基公塔太子左庶子李宏度銘右則大周圓測法師塔銘之者貢士宋復也按銘序云奘公塔之左創起新塔據通志則云圓測塔在奘公塔右彼此互異又按今大藏首載大般若波

羅密多經六百卷凡十六會各有小序皆西明寺  
沙門元則撰疑卽此圖測識以俟攷

金石萃編卷一百四十六終